

ՄԱՅՐ ՏԱԾԱՐՈՒՄ ՈՒԽՏԻ ՊԱՏԱՐԱԳ ՄԱՏՈՒՅԵՑ ԱՐԱԳԱԾՈՏՆԻ ԹԵՄԻ ԱՌԱՋՆՈՐԴԱԿԱՆ ՏԵՂԱՊԱՐ Տ. ԲԱԳՐԱՏ ՎԱՐԴԱՊԵՏ ԳԱՍՏԱՆՅԱՆԸ

Կիրակի, ապրիլի 27-ին, Մայր Աթոռ Ս. Էջմիածնում, Ն.Ս.Օ.Տ.Տ. Գարեգին Բ Ամենայն Հայոց Կաթողիկոսի հանդիսապետությամբ, մաքուցվեց հերթական Ուխտի Պատարագը: Մայր Տաճարի օծման 1700-ամյակի պոնակապարտությունների ծիրից ներս այս անգամ եկեղեցականաց դասի առաջնորդությամբ Սուրբ Էջմիածին էր եկել Հայաստանյայց Առաքելական Եկեղեցու Արագածոտնի թեմի ուխտապահ ժողովուրդը: Օրվա պատարագիչն էր թեմի առաջնորդական քրեդապահ Հոգեշնորհ Տ. Բագրատ վրդ. Գալստանյանը:

«Մենք եկել ենք, Վեհափառ Տեր, օշականաբնակ մեծ սուրբի՝ Մեսրոպ Մաշտոցի խորհրդով, Արագածի կանթեղի խորհրդով, Սուրբ Լուսավորչի քայլած վայրերի խորհրդով քենսելու մեր հայելին այս քաճարի միջից, և մեր սիրտը, միտքը, հոգին դրոշմելու Իջման Ս. Սեղանի խաչի վրա՝ որպես պատրաստակամություն գործելու և ապրելու հայոց այս մեծ քան հոգևոր վերելքի և մեր հայրենիքի ու ազգի պայծառության և լուսավոր գալիքի համար», - ասաց Հայր Սուրբը (քեն էջ 84):

Հանուն Նորին Սրբության և Մայր Աթոռի միաբանության ուխտավորներին ողջունեց նաև Մայր Աթոռի դիվանապետ Հոգեշնորհ Տ. Արշակ վրդ. Խաչատրյանը:

Սրբազան արարողությանը ներկա էին բարձրաստիճան հոգևորականներ, Արագածոտնի մարզպետ Հրայր Կարապետյանը, մարզային և քաղաքային իշխանությունների ներկայացուցիչներ:

Հավարտ Ս. Պատարագի ուխտավորների բազմությանը Վեհաբանում, հանդիսությունների սրահում, ընդունեց Վեհափառ Հայրապետը:

*ՄԱՅՐ ԱԹՈՒ Ս. ԷԶՄԻԱԾՆԻ
ՏԵՂԵԿԱՏՎԱԿԱՆ ՂԱՄԱԿԱՐԳ*